




1/6.




Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.1.6.31



Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.1.6.31



Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.1.6.31




Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.1.6.31

19

Primo lavoro tipografico, pub-
b. delo. Manufio in Bo-
alorché venne in quella città
a Professore di Eloquenza, dopo la morte
di Carlo Lugones.

memoria. Ald. 1. 64




DE
LAUDIBVS
VITAE. RVSTICAE
ODE
HORATII
EPODON. SECVNDA
AB. ALDO. MANVCCIO
EXPLICATA

AD. PERILLVSTREM
IVLIVM. CONTARENVM
GEORGII. F.




VALEANT Principes, &
si qui Principum nomi-
ne gaudent. quandoqui-
dem, quae prima nobis
esse debent, otium, &
quies, atque animi tranquillitas, procul
ijs absunt. certe, si per eos hoc dicere
mihi liceat, quod licere uolo, nulla me
uitae meae satias ita tenet, ut meam

A 2 cum



Ex Libris Joannis Nenoini
1874



PERILLVSTRI
IVLIO. CONTARENO
GEORGII. FILIO
ALDVS. MANVCCIUS
S. P. D.



VALEANT Principes , &
si qui Principum nomi-
ne gaudent. quandoqui-
dem, quae prima nobis
esse debent , otium , &
quies , atque animi tranquillitas , procul
ijs absunt . certe , si per eos hoc dicere
mihi liceat , quod licere uolo , nulla me
uitae meae fatias ita tenet , ut meam

A 2 cum

cum illorum uita permutare cupiam.
animus princeps est . isq. dum regit ,
rex est , qui ab eo regitur . Recteq. ad-
modum a Platone scriptum est , priua-
tos ingenium Principis sequi . Regibus
igitur relictis , ad eos , qui in priuata ui-
ta Reges sunt , meus se deinceps con-
uertat animus , ad Teq. praecipue , I V L I
CONTARENE , in quo nihil Regium
desideratur . Hoc ut mihi magis ex ani-
mo contingere possit , Horatium adiui ,
eius uitae laudes decantantem , quae a
curis seiuncta sit . Feci . libenter , ut ,
quae ipse elegantissime scripsit , quae a
me hisce diebus sunt publice interpreta-
ta in Academia Bononiensi , in qua bien-
nium iam eloquentiam profiteor , in
Tuo nomine appareant ; & Reges ipsos
pudeat , Reges esse , cum Tu mihi Rex sis ,
eumq. Te esse ostendas , qui Regum glo-
riam obscures . Totus es in litteris , in
quibus quantum proficias , mirum dictu
est . ijs enim rebus abundas , quae ad

hoc

hoc maxime facere uidentur . Huiusce
Ciuitatis uel muta facies Te inuitat , Tua
ad probitatem directa natura Te allicit,
doctorum uirorum consuetudo , quibus-
cum familiarissime es , Ascanij Persij,
Camilli Camillij , & Darij Socini , mul-
tum cum ad hoc addat , minimum ta-
men addit . Spatium enim non relinquis,
in quo excurrere , & se exercere possit
eorum industria : ita assidue uersaris cum
libris , domesticis tuis , qui uere Tui fa-
miliares sunt . Sed haec maxima , sunt
in Te minima . eo enim uitae genere ute-
ris , quod ad probitatem attinet , ut an-
nos prudentia uincas . Videre mihi ui-
deor non pictam , non adumbratam ,
sed uere ueram , Clarissimi Patris Tui
Georgij imaginem . Facileq. licet augu-
rari , cum Eum Tu aetate aequabis , ijs
rebus omnibus , quae Eum in Illustris-
sima , & Augustissima Urbium regina ,
inter illustres , Regiosq. Proceres illu-
striorem reddunt , longe a Te supera-

cum

tum iri . Praecipiat animo gaudium Pa-
ter Tuus , absentisq. desiderium aequo
animo ferat , qui aliquando in Patriam,
gloria onustus , amicis carus , Familiae
iucundus , Patriae ipsi utilis , reuertaris .
Firma ego spe nitor , cum Te fore , qui
splendori splendorem adiungas . Meam
interim obseruantiam Tibi non ingra-
tam esse , ut mea caussa plurimum lae-
tor , sic eadem caussa notam omnibus
esse uolui .

Bononiae. 1v. Id. Mai. crioxxxvi



IO. FRANCISCI. COSTAEI



VICVMQVE est grauioribus
solutus
Curis pauperiei, honoris, auri,
Quem non sollicitat Venus,
Maioresque,
Cui si est anxia cura litterarum,
Commiscere iuuat seueriori
Interdum studio lyram, & camoenas,
Quem, sprete urbe nimis negotiosa,
Nunc per florida prata diuagari,
Nunc montes superare, nunc aquosa
Delectat peragraré, nunc in imis
Telluris penetralibus supremæ
Naturæ intima dona quaeritare,
Nunc uel fallere aues libet dolo
Visco, uel laqueis feras, uel hamos,
Nassas, retia, piscibus parare.
Haec si contigerint cuiquam, & ille
Sit uitæ integer, & Dei memor sit,
Illi est parca quies, beatus ille est.

HORATII

ODE

II. EPODON



BEATVS ille, qui, procul negotijs,
Vt prisca gens mortalium,
Paterna rura bobus exercet suis,
Solutus omni fenore;
Neque excitatur classico ut miles truci;
Neque horret iratum mare;
Forumq. uitat, & superba ciuium
Potentiorum limina.
Ergo aut adulta uitium propagine
Altas maritat populos;
Aut in reducta ualle mugientium
Prospectat errantes greges;
Inutilesq. falce ramos amputans,
Feliciores inserit;
Aut pressa puris mella condit amphoris;
Aut tondet infirmas oues;
Vel cum decorum mitibus pomis caput
Autumnus aruis extulit;
Vt gaudet insitiua decerpens pyra,
Certantem & uuam purpurae,
Qua maneretur te, Priate, & te pater
B Siluane

Siluanæ tutor finium.

Libet iacere modo sub antiqua ilice,

Modo in tenaci gramine.

Labuntur altis interim ripis aquae:

Queruntur in siluis aues:

Fontesq. lymphis obstrepunt manantibus,

Somnos quod inuitet leues.

At, cum tonantis annus hibernus Iouis

Imbres, nivesq. comparat;

Aut trudit acres hinc, & hinc multa cane

Apros in obstantes plagas;

Aut amite laeni rara tendit retia,

Tardis edacibus dolos;

Pavidumq. leporem, & aduenam laqueo gruem

Iucunda captat praemia.

Quis non malarum, quas amor curas habet,

Haec inter obliuiscitur?

Quod si pudica mulier in partem inuet

Domum, atque dulces liberos,

Sabina qualis, aut perusta solibus

Pernicis uxor Apuli,

Sacrum uetustis exstruat lignis focum

Lassi sub aduentum uiri;

Claudensq. textis cratibus laetum pecus,

Distenta siccet ubera;

Et horna dulci uina promens dolio

Dapes inemptas apparet;

Non me Lucrina inuerint conchyliæ,

Magis ue rhombus, aut scari,

Si quos Eois intonata fluctibus

Hiems ad hoc uertat mare.

Non Afra auis descendat in uentrem meum,

Non Attagen Ionicus,

Iucundior,

Iucundior , quam leſta de pinguiſſimis
Oliua ramis arborum :
Aut herba lapathi prata amantiſ , & graui
Maluae ſalubres corpori ,
Vel agna feſtis caeſa Terminalibus ,
Vel haedus ereptus lupo .
Haec inter epulas , ut inuat paſtas oues
Videre properantes domum ;
Videre feſſos uomerem inuerſum boues
Collo trahentes languido :
Poſitosq. uernas , ditis examen domus :
Circum renidentes lares .
Haec ubi locutus fenerator Alſius ,
Iam iam futurus ruſticus ,
Omnem relegit Idibus pecuniam ,
Quaerit Kalendis ponere .



ARGVMENTVM



FINGIT Alfium quendam feneratorē rem, quasi mutato consilio, ad uitam rusticam animum adijcientem, captum eius uitae commodis, ipsius secum laudes recensere. Sed eundem, cū omnem suam occupatam hic, atque illic, pecuniam exegisset, ut eam in aliquod rusticum praedium impenderet, mox ad ingenium redeūtem, eam denuo proximis Kal. fenori dedisse.

Duo hinc habemus obseruatu digna; alterum, neminem sua sorte contentum uiuere; quam thesin fuisse persecutus est satyra prima primi libri Satyrarum;

alterū, esse perdifficile, ac fere τῶν αἰδουμένων, hominem ingenium mutare, eum maxime, quī diu aut uirtuti, aut uitio, fuerit assuetus.

Fructus autem, ex hoc, is elicitur.

Videmur enim a Poeta, personā Alfij notante, tacite admoneri, ne diu nimis indulgeamus naturae nostrae, ad uitium aliquod propensae; ne postea, cum uelimus habitum uirtutis, cum uitio illo pugnantem, nobis adsciscere, id facere in nobis non sit amplius situm, uel certe difficillimum eueniat, ut euenit Alfio.

Haec est, ut sic dixerim, Odes huius medulla. cuius si quis solum corticem inspiciat, longe alium ex ea sensum eliciet.

Quod attinet ad methodū, qua utitur in hac Ode Horatius; dico, totam hanc Odem esse unicam ratiocinationem: quam hoc modo neſtere possumus.

Illud nos beatos efficit, in quo maxima est uoluptas, cum minimis coniuncta molestijs.

At

At huiusmodi est rustica uita.

Ea igitur nos beatos efficit.

Subticer Horatius huius ratiocinii primam propositionem, & in solo eius assumpto probando, ac declarando, commoratur.

Propositio enim prima, ut notissima, fuit iure silentio praetereunda. quare ratio est enthymematica.

Assumptum uero erat, Vitam rusticam nos efficere beatos. Hanc propositionem probat, non alio argumento, nisi eius uitae commodis sigillatim enumerandis.

Et, quoniam, ut uulgo dicunt, contraria iuxta se posita magis elucescunt; ut illustriora nobis essent uitae rusticae commoda, statim Horatius ponit nobis ante oculos incommoda uitae urbanae; & aliorum; in-
quiens,

Procul negotijs,

Solutus omni fenore,

Nec excitatur classico,

Nec horret iratum mare,

Forumq. uitat, &

Superba ciuium Potentiorum limina. &c.

Nunc ad explanationem uerborum accedamus.



*Beatus ille, qui, procul negotijs,
Ut prisca gens mortalium,
Paterna rura bobus exercet suis,
Solutus omni fenore;]*

Sententia periodi huius clara est:

Beatum inquit esse illum, qui longe a negotijs, & molestijs urbanae uitae, rure degens, terram colit, quae fuit priscorum uita mortalium; si tamen is ita se exerceat, ut propria, non aliena, rura, proprijs, non alienis, aliunde ue locatis, aut conductis, bobus aret. qui enim in alieno loco, atque alienis iumentis, opus facit, is pauper, ac non satis cōmode degens, existimandus est.

Felices igitur prorsus iudicat eos, qui, relictis ciuilibus negotijs, agri colendi studio se oblectant, nam *omnium rerum* (ut grauisime inquit Cic. in Officijs) *ex quibus aliquid exquiritur, nihil est agricultura melius, nihil uberius, nihil dulcius, nihil libero homine dignius.* Et in Catone Maiore dicit: *Mea quidem sententia, haud scio, an ulla beatior esse possit uita.* (de rustica loquitur) *neque enim solum officio delector, quod hominum generi uniuerso cultura agrorum est salutaris, sed & delectatione, & saturitate, copiaque, rerum omnium, quae ad uictum humanum, cultumq. etiam deorum, pertinent.* Ibidemq. plura de Agriculturae laudibus. Simili modo Virg. lib. I I. Georg. descripturus laudes uitae rusticae, orditur:

*O fortunatos nimirum, sua si bona norint,
Agricolae, quibus ipsa, procul discordibus armis,
Fundit humo facilem uictum iustissima tellus: &*
quae sequuntur.

Quem locum egregie uidetur esse imitatus Horatius, ut eruditi annotarunt: si modo, antequam haec pangeret Horatius, illum Virgilij locum legit.

Procul

Procul negotijs,] Non satis est, dicere uult Horatius, esse sine negotijs, sine semotum, & separatum, a molestijs urbanae uitae, & negotiorum, ut beatus homo sit; sed oportet, ut homo sit procul, hoc est, longe absit, a negotijs, multi enim possunt esse sine negotijs, qui tamen otiosi proprie dici non merentur. Contingit enim aliquando, eum, qui in urbe uiuit, exsolutum esse omnibus negotijs per aliquod breue tempus: is tamen otiosus non est; cum paullo post, temporis ad respirandum uix satis nacto, noua negotia ipsi offerat, atque imponat, occasio. is certe otiosus dici non meretur. illud enim tempus, quo uacauit a negotijs, ei datum uidetur potius ad se recipiendum, & ad uires reficiendas ob sustinenda noua negotia. propterea, qui uult frui otio, & dici uere beatus, oportet, ut procul degat a negotijs, hoc est, ut non solum sit sine negotijs, uerum etiam sine occasionibus negotiorum. Atque hoc est, *Esse procul negotijs*, occasiones inquam negotiorum non habere praesentes.

Procul negotijs,] Haec particula orationis, ubi sine praepositione usurpatur, ipsamet est praepositio, ut hic; ubi uero cum praepositione, tum est aduerbium.

Vt prisca gens mortalium,] Aurea saecula designat, quibus maiores in agris uiuebant, eosq. sine metu libere colebant. Priscis enim (nomine autem Priscorum nō solum primos homines, sed etiam qui postea fuerunt, modo ab aetate nostra ualde remotos, appellamus) Priscis, inquam, maximum studium agriculturae fuit, & solus ex rure uictus, ac quaestus. Nam ipsorum tunc manibus colebantur agri, ut fas est credere, ait Plinius: *gaudente terra uomere laureato, & triumphali aratore.* illi eadem cura semina tractabant, qua bella; eademq. diligentia arua disponebant, qua castra. Est porro agriculturae

9
turae initium antiquissimum, ut pote, quam primi omnium Adami protoplasti Cainus, & Abelus filij coluerunt. ut tradit Iosephus lib. 1. Antiquitatum. quorum alter quidem, pastione; alter uero, aratione, uitam suam extraxerat. Et utrisque Noeus, post Cataclysmum, successit, atque per manus artem acceptam alijs tradidit. sed, hac adhuc rudi non contentus, primus quoque uineam colere instituit; quam eius progenies, cum alijs partibus agriculationis, in uniuersum Terrarum orbem propagauit. sicut,

- I Assur, apud Assyrios;
 - II Gomes, apud Cimbros;
 - III Aram, apud Syros;
 - IV Chus, apud Aethiopas;
 - V Ascanes, apud Theutonos;
 - VI Euryla, apud Libycos;
 - VII Nam, & Saba, apud Arabas;
 - IX Canaam, apud Cananaeos;
 - IX Iapetus, apud Ionas;
 - X Cethim, apud Macedones;
 - XI Tharsis, apud Cilicas;
 - XII Iauan, seu Ianus, apud Graecos, & Latinos;
- & alij denique, apud alios,

Hanc primum inuentam ab Osiri, qui idem est cum Dionysio, in Aegypto, testatur Diodorus in 1; A Triptolemo, in Graecia ab Atticis, & Eleusinijs populis, testis est Iustinus in 11. A Saturno in Latio, auctores sunt Virg. Macr., Eutropius. Cererem, quam a gerendi frugibus Gererem appellatam, alicubi Cicero prodidit, in Sicilia agriculturam reperisse, sunt qui scribunt.

Nabidi suo Hispani, alij a lijs Agriculturae inuentum acceptum referunt.

Quid? Non ne Vlysses, Ithacensium rex, armenta

C

uenum.

uenundabat? Ve iure nihil tam regale uideri dixerit Ci-
cero, quam studium agri colendi. Alcinoi, Phaeacū
regis, horti celebratissimi sunt. Laertesq. in agris de-
lituit, iisdemq. se oblectauit, quo desiderium filij sui exsu-
lis leniret. Cato inquit, *Agricolatōnis opus, proximum,
ac quasi consanguineum, sapientiae.* Et Varro ait, *Co-
lonorum quaestum maxime pium, stabilissimum, & mini-
me inuidiosum.* Recteq. dictum a Columella, *sine ludi-
cris artibus, atque sine caussidicis, olim satis felices fuisse,
atque futuras esse, urbes: at sine agricultoribus, nec con-
sistere mortales, nec ali posse, manifestum esse.*

Gens mortalium,] Gens, aliquando latissime patet, &
significat genus humanum, ut hic. aliquando minus la-
te, & significat nationem aliquam, ut Phrygum, Persa-
rum, Romanorum: & hinc dicimus, Ius gentium, quo
gentes, hoc est nationes omnes, utuntur. aliquando ca-
pitur pro ijs, qui eodem nomine sunt, & Gentiles uo-
cantur. Sic Romani uocant gentes, Iuliam, Porciam,
Corneliam, &c.

Paterna rura bobus exercet suis,] Quare paterna?
quia iucundiora sunt nobis auita bona, & maxime res
fundi, in quibus nati sumus, & educati. ut uideantur no-
bis loco mutorum parentum. Iam, si dulcis amor pa-
triae, quanto dulcior erit propriae domus, in qua pri-
mum de caelo spiritum duxeris, & lumen uideris?
Vlysses amore patriae miro tenebatur, etsi magnam
orbis partem peragrasset, & loca amoeniora multo, &
etiam salubriora, esset emetitus. Quanta sit patrij soli-
caritas, quae uis, ignorat nemo. Et, si cui libuerit haec
melius cognoscere, legat Patriae encomium apud
Lucianum.

Beatus igitur ille, qui ex agro a parentibus relicto
uictum quaerit, eoq. licet modico contentus est.

Sic

11

Sic legimus, Aeliorum, & Tuberorum, familiam, cum decem & septem eiusdem cognominis essent, cum uxoribus, & liberis, eandem domum exiguam incoluisse, eundemq. agrum Veientanum arasse, & ex fructibus illius uixisse.

Bobus exercet suis,] Ne quis putet, Horatium uelle, eum solum esse beatum, qui proprijs manibus aret, eo quod dicat, *Bobus exercet suis*, & *Exercendi* uerbum adiungat ei, quem Beatum uocat. potest enim et *Exercet*, acipi etiam, pro, exercenda curat, & assidue colit, proscindit. Possunt autem multa uerba hoc modo usurpari. Sic apud Virg. *Tondere* dicitur ille, qui se tondendum alij tradit, in l. Ecloga, ubi Tityrus inquit Meliboeo:

Libertas, quae feratamen respexit inertem:

Canadior postquam tondenti barba cadebat.

Et *Exercet*, hic, idem est, ac colit. Eodem sensu hoc uerbo utitur Virg. Georg. l. *Exercetq. frequens tellurē, atque imperat aruis.* Et Georg. l. l. sed paullo contractius, cum solam arationem designet, inquit:

Aut presso exercere solum sub uemere. Hic autem quemuis agri cultum, adhibitis tamen bobus, intelligit.

Et, quoniam adhuc improbari hoc uitae genus poterat ab aliquo, dicente, id esse indignum homine, ob id, uelut tacitae occurrens obiectioni, Horatius, inquit, uitam rusticam esse omnium antiquissimam, & priscis hominibus aureo illo saeculo consuetam; proinde non esse spernendam; immo uero ceteris praefereendam; si quidem, ut ea negotijs urbanis procul sit, non tamen est prius otiosa, atque iners, sed actiuosa, quemadmodum deinceps ostendetur, & in ijs operibus occupatur, quae ad beatitudinem, breuiori quodam, & tutiori, tra-

C 2 mite,

mite, nos perducunt, quam urbana negotia, cum a rustica uita procul absint uersutiae, doli, fraudes, imposturae, adulationes, ambitio, & dominandi cupido, mater omnium uitiorum. Quod igitur ad uitae integritatem, & probitatem, attinet, nemo adhuc dubitarit, rusticam uitam urbanae uitae esse praefereendam. quod ad nobilitatem, ea primum antiquissima est omnium, ideoque nobilissima. Urbana quidem uita politior est, quam rustica, comptior, adde etiam commodior. Sed, nobiliorem non esse, ex eo patet, quod hodie, in nonnullis Europae partibus, nobilissimus quisque rure degit, in urbe sunt opifices, mercatores, & cetera plebs. Quid dicam de ueteribus Romanis? nonne ab aratro ad dictatorem uocabantur? Apud Aristophanem uero, in Pluto, cum Chremilus, uir iustus, sed pauper tamen, Carionem seruum mittit uocatum homines uitae probitate sibi similes, non ne rus eum legat, ad rusticos homines conuocandos, ut in domum suam conuenirent, ad uisendum Plutum, qui optimis quibusque ingentes erat pollicitus diuitias? quid enim, quaeso, aliud, eo nos exemplo docere uult Aristophanes, nisi, proborum hominum rus esse domicilium, in urbe esse oratores, sophistas, parasitos, & id genus hominum, qui omnia suo metiuntur commodo. Postquamque urbes condi coepere, saecula, ex aureis, non solum argentea, & aenea, sed ferrea, euasere.

Bobus.] Bubus, legendum ex Prisciano lib. VII. quo modo est in antiquo meo libro.

Solutus omni fenore;] Non alieno aere obstrictus. De duplici fenore intelligitur, & de eo, qui fenori dat, siue feneratur, & de eo, qui fenori accipit; ideoque dicit, *Omni fenore.* Liber itaque ab omni debito, & lucro. Non igitur fenori obstrictus, neque faciens lucrum iniquum

quum ex pecunia fenori data, sed e terra usuram capi-
piens, quae est longe uberrima, & iustissima, ut pote ex
manu Dei profecta.

Porro Aristoteles primo Politicorum capite 7. lu-
crum ex fenore maxime damnat. Inquit enim, fenus iu-
re merito uituperari, atque odio haberi: eo quoniam
fenerator nummū ex nummo generat, quasi nūmus uim
habeat generandi, cum nullam habeat. ideoq. lucrum
hoc τόκος, inquit, appellatur, quasi nummus nummū pa-
riat. hoc autē contra naturam est. natura enim nummus
ex rebus naturalibus aut ingenio, aut artificio, aut labo-
re cōparatur, non ex nummo alio. nummus enim sua na-
tura sterilis est. quemadmodum ergo monstri simile est
sterilem parere, sic est contra naturam nummū nummū
parere. merito igitur feneratio exosa est.

Fenore;] Fenere, uetus meus liber. antique. non pror-
sus contemnenda lectio.

Neque excitatur classico miles truci;]

Diximus, ab Horatio praeferrī uitam rusticam urbanae,
non quod sola urbana differat a rustica, hoc est, ea, quae
intra muros degitur urbium; sed urbanae uitae nomine
ceteras omnes uiuendi rationes, praeter rusticam, com-
prehendi uoluimus: quoniam & miles, & nauta, & si
qui alij sunt, qui in urbe non uersantur, etsi in una urbe
non semper manent, in urbe tamen, modo hac, modo il-
la, degunt, & negotiantur: & hoc modo Urbani uoca-
ri possunt: praeterea, moribus sunt urbanis, non rusti-
cis, maxime uero omnium nautae, qui technas omnes
norunt, ac struere solent urbanas.

Neque excitatur &c.] Neque, inquit miles est, neque
nauta, neque patronus, aut cliens, neque aulicus.
Omnia hec periphrasi explicat, quae poetarum fere est
propria, & non solum est auditu iucundior, sed rem
ob

ob oculos pōnit. Si enim dicam, Miles, iam confuse, quid ego uelim dicere, intelligis; si dicam eum arma tractare, & classica uoce excitari, iam intelligis, a me & militem significari, & militis opus, atque officium, agnoscis, ac praeterea meum cognoscis de milite, & de militia, iudicium, nempe, a me existimari & duram, & trucem. Notandum tamen, aliquando licere uti promiscue uel sola uoce, uel uocis periphrasi: aliquando non licere uti sola uoce, sed necesse esse uti periphrasi, ut hic. nam, si dixisset Horatius, Beatum esse eum, qui rure degat, & nec militiae, nec rei nauticae, nec foro, nec aulae, uacet; neque periphrasi explicasset militiae, nauticae, & aulae, incommoda, in eius oratione multo minus esset energiae; neque constaret nobis, qua de causa ceterae uiuendi rationes cum rustica uita, quo ad beatitudinem, non sint conferendae. Virg. *Euuntq. inferrum.*

Neque excitatur classico &c.] i. non sectatur horrenda, & periculosa, bella, spe lucri, aut honorum; sed agrum suum colit.

*Hinc anni labor: hinc patriam, paruosq. nepotes
Sustinet: hinc armenta bouum, meritosq. iuuenos,* ut canit Maro.

Excitatus, in duobus scriptis meis.

Classico truci;] h. e. horribili tubae sonitu. nam *Classicum* dicimus (ait Seruius) & *tubam ipsam*, & *sonum*. Solebant autem ueteres, cum educere legiones in hostes uellent, aut a proelio reuocare, concentu tubarum, & cornuum, signum dare. Et illud, *Classicum*; hoc uero *Receptui* canere, dicebant.

Neque horret iratum mare;] Mare iratum, h. e. agitatū uentis. tum enim, cum aduersi perflant uenti, ac uehementes admodum, maximi excrescunt in mari fluctus,

Etus, quibus turget mare. ut & irati homines *Turgere* dicuntur, cum sunt irati, ut est apud Plautum.

Mare autem non proprie dicitur iratum, cum ira, unde iratus quis dicitur, non possit esse affectio rerum anima carentium. quae enim anima carent, animae quoque uiribus, & operationibus, carent.

Relinquitur ergo, ut Mare dicatur iratum metapho-
rice. Et, quia non utimur translatis nominibus, nisi in ijs
rebus, quae non nihil habent similitudinis cum ijs, quibus
significandis translata illa nomina prius sunt imposita,
ideo, ut iratum dicatur mare, facit similitudo quaedam
fluctuantis maris cum homine irato. Sicuti enim is, qui
est ira percitus, fremit, & uerba profert quodam cum
strepitu, atque insuauis sonitu, ac potius murmure; sic
quoque mare ipsum uentis concitatum fremit: unde
Fretum dicitur angustum mare, in quo est assiduus ille,
ac uehemens, fluctuum fragor, ac strepitus. Praeterea,
sicuti iratus homo comminatur alteri malum, (ira enim,
ex Aristotele, est cupiditas ulciscendi illatam iniuriam,
quae non solet aboleri, nisi malo aliquo auctorem iniu-
riae multemus) sic quoque mare ipsum uentis percitum
comminatur & nauibus, & rebus quibuscumque, ipsis
etiam piscibus, exitium. Haec igitur similitudo Maris
cum homine irato dedit occasionem potissimum, ut sa-
tis eleganter, atque apposite, ipsum Mare iratum di-
cerent.

Neque horret iratum mare;] non committit se tem-
pestuoso, & periculis pleno, mari, causa quae est, ut
faciunt mercatores.

Forumq. uitat,] Urbanae uitae descriptio, ex aedi-
ficijs, & urbanis praedijs.

Duo autem in urbe sunt aedificiorum genera; Publi-
ca, & priuata.

Publica,

Publica, sunt, quae sunt uniuersitatis;

Priuata, quae priuatorum sunt ciuium, ut testatur Iustinianus in titulo secundi Instit. primo, qui est de rerum diuisione. Suntq. publica aedificia, ut theatra, stadia, basilicae, templa, & cetera huiusmodi, in quibus forum connumeratur. Est autem Forum, locus, in quo iudicia exercentur est: quoque, in quo res prostant uenales: & ob id opida multa uocata sunt hoc nomine, ut, Forum Iulij, Forum Sempronij, Forum Cornelij, &c. a nundinis, in his locis institutis: cum in haec loca mercatores undique confluerent, merces suas comportantes, uenum eas dandi gratia. Graeci haec ἐμπόρια dicunt.

Hoc loco per Forum intelligit Horatius, forum tum iudiciale, tum etiam id, in quo res uendebantur. is enim, qui in urbe negotiatur, aut in foro rerum uenaliu uersatur, aut in eo, in quo iudicia exercentur; in illo quidem, si sit mercator; in hoc, si publicum aliquod onus sustineat, uel si sit aduocatus, iurisconsultus, patronus, cliens.

Sunt uero, qui in foro nihil habent negotij, atque in eo frequentes non uidentur. Hi plerique, nisi in urbe sint prorsus otiosi, (opifices excipio) frequentant tamen potentiorum limina, & in aulis sunt, plerumque obseruantes primarios homines, eosq. affectantes.

Belle igitur Horatius tetigit duobus uerbis loca omnia urbis, in quibus homines aliquid habent negotij.

Superba inquit *limina*, uel quia superborum hominum domicilia, quales sunt plerumque, & diuitijs, & nobilitate, insignes, ut Aristoteles quoque testatur in libris de Rhetorica. Vel, *Superba*, μεταφορικῶς, quoniam potentiorum aedes sunt ceteris excelsiores, & magnifice structae, prospectibus exornatae mirificis, & opere, & operis materia, longe post se aedificia tenuiorum hominum

hominum relinquentes, ut mos est superborum, qui primas semper sibi vindicāt. Virg. Aen. 11.

Barbarico postes auro, spolijsq. superbi.

Limina autem, inquit, non aedes. partem capiens pro toto.

Sed, quid, si dicamus, emphasin in hac uoce quandam esse? Non inquit, Aedes, sed, *Limina*. Forte, quoniam mos est in primis, atque exterioribus, fere aedium partibus commorari eos, qui potentes obseruare solent: cum potentiores soleant in penitioribus aedium locis degere; non facile intus admittentes eos, qui ipsos appellatum, atque inuisum, quotidie uentitant. sinunt eos in uestibulo commorari, multo ante, quam sui copiam faciant, & alios intus admittant. Ob id forte inquit, *Superba limina*.

Alibi Horatius, nempe ode 14. lib. 1. r. uocat *Panimentum superbum*, eodem loquendi schemate.

Virg.

Penetrant axulas, & limina regum.

Et:

Si non ingentem foribus domus alta superbis,

Mane salutantum totis uomit aedibus undam.

Magna quippe laus nobilibus erat, quamplurimos clientes, & pauperes, amicos habere, a quibus mane salutarerentur, ad forum, curiamque, frequenti comitatu, deducerentur, atque reducerentur.

Altas maritat populos:]

Adultos iam sarculos adiungit arboribus. nobilia enim uina non nisi in arbustis gigni, longo aeuo iudicatum est, teste Plinio.

Propago, est uitis uetula, defossa in terram, ut plures ex ea propagentur. *Adulta* autem, inquit. nisi enim *propago* adoleuerit, iam maritari arbori non potest. Vulgo

D

adhuc

adhuc *Propagine* uocatur in nonnullis Italiæ locis; et si alibi potius uocetur *Prouane*.

Maritare populos uitibus, est, eas coniungere ipsis, ut coniungitur uir uxori.

Maritantur autem uites arboribus, non tam ut fructus edant, sed ut eos edant meliores. nisi enim coniungantur, aut admoueantur arboribus, humi iacentes, reddunt quidem uuas, sed longe deteriores, cum non perflectentur ab aere, neque a Sole, quod magni interest, foueantur; ex quo fatuae sunt, nullum referentes saporem, & fero ad maturitatem perueniunt.

Sunt quidem arbores quaedam, hoc ingenio, & natura, ut steriles sint, nisi prope habeant alias quasdam, quarum propinquitate, occulta quadam naturae uis, fructum ferunt. Quod attinet ad uites, ita coniunguntur arboribus, ut uideantur ijs indigere ad fructus edendos; & ipsae, ut feminae esse; arbores autem, ut mares. attamen, & uites dicimus maritari arboribus, & arbores uitibus. Et arbores uitibus carentes uocamus Viduas; & Viduas, uites arborum adminiculo orbatas. Sic Catullus dixit, *Vitem ulmo coniunctam marito*, in Carmine nuptiali, & uitem eo carentem appellauit *Viduam*.

Horatius uero, contra, Ode 5. lib. I V. Ulmum, populumque, uiduas appellat, quae uitibus non sunt coniunctae, inquiens,

Et uitem uiduas ducit ad arbores.

Populos:] Arbores hae sunt albae: ob id a Graecis dictae λεῖχαι: quo quidem eas nomine hodieque uocant, lingua uernacula, Calabri, illam incolentes Italiae ora, quae Magna Graecia dicebatur. Inde *Candidam populum* dixit Virg. in Moeride. Vitem magis populus alit, testante Columella. *Species* (inquit uetus interpres) *est hic posita pro specie, arbor pro arbore, populus pro ulmo: non enim*
popu-

populos, sed ulmos vitibus maritare, rustici consuevere.

Altas Jaliij legunt, *Albas*. ego nihil muto: cum mutationis causam nullam uideam, uel fere nullius momenti. Commodus certe sensus elicitur. Sic quoque, cur *Populos* mutemus in *Opulos*, quod his mire gaudeant uites, non uideo. cum enim lectio ferri potest, mutanda non est.

Aut in reducta ualle mugientium

Prospectat errantes greges:] Sensus: Videt armenta boum, in uallibus pascentium. Sic Virg.

Mugitusq. boum, mollesq. sub arbore somni

Non obstant.

Reducta autem, h. e. secreta, reparata, & etiam sinuosa, ex uetere interprete. Ut illud, *Reducta*, sit, quasi seducta, hoc est seorsim ab alijs nimium expositis aeri locis a natura ipsa ducta.

Est autem *Vallis Reducta*, quae a montibus hinc inde concluditur.

Vel, *Reducta*, h. e. recollecta, & replicata, quod est, in orbem ducta: ut sunt ualles pleraeque, montes, & colles, undequaque ambientes.

Sic dixit Virg. Aen. I.

in sinus scindit sese unda reductos.

Ideo placet etiam ultima interpretatio eiusdem interpretis, dicentis, *Reducta*, hoc est, sinuosa, quod idem est dictu, ac Orbiculari. cui mire quadrat Virgilij locus a me adductus. Sed idem interpretatur etiam *Reducta*, hoc est, depressa. quod non ita mihi probatur. quis enim ignorat, ualles omnes esse depressas, cum sint in radicibus montium? Sic idem Horatius Ode 17. lib. I.

Hic in reducta ualle caniculae

Vitabis aestus. Qui locus confirmat expositionem mihi probatam: hoc est, recollecta, & montes undequaque ambiente. in huiusmodi enim uallibus, & longe

D 2 pro-

prospicere possumus, & caniculae aestum vitare, quin etiam hiberno tempore a ventis esse tutiores, si claudantur montibus.

Mugientium] Boum. Per eorum propriam uocem eos significat.

Prospicit] hoc est, longe, seu procul, spectat.

Errantes] hoc est, libere pascentes. Sic Virg. in Tityro:

Ille meas errare boues.

Errare autem, ut libere pascere significat in bobus, sic in alio pecore gregatim ingrediente, non id omnino significaret, neque de uniuerso grege proprie diceretur, sed de uno, aut altero, ex grege illo. Ouis enim errare potius dicitur, cum amissa huc illuc uagatur.

Greges :] De Bobus *Greges* dixit, cum *Grex* plerumque de pecoribus minutis intelligatur, Armentum uero de maioribus. Cum appposito tamen etiam ad maiora transferri posse illud, monent Grammatici, tamquam generalius nomen. Ideoq. ad distinctionem adiecit Horatium, *Mugientium*. *Greges* igitur, id est, armenta. *Grex* enim, ut dixi, minoris pecoris multitudo est; Armentum autem maioris, ut boum, equorum, &c.

Est profecto periucundum, in reducto, & seposito, loco, atque opaco, quo nimirum solis radij non pertingant, ut sunt reductae ualles, longe animalia prospicere, pascentia, & herbam uirentem. nam & animalium tardi gressus uisum leniter mouent, & uiridis herbae color oculis tum iucundus, tum etiam saluber, est.

Recte autem dixit Horatius, *Prospicit*, hoc est procul adspicit. quarundam enim rerum facies non ita solet oblectare, & oculos tenere conspicientium, si proximae sint. quis enim ignorat, collium, ac montium, & cuiuscumque tractus, ac regionis, longe esse iucundior, & gratiorem, prospectum, cum nimirum ea loca

de

de longinquo conspiciamus, quam cum ea uidentes, pedibus terimus? hoc inde fit, quod longe positi plura uidemus, quod oculos mire afficit, nempe rerum uarietas; &, quae uidemus, longe uidentur pulchriora, cum earum rerum uitia, propter longinquitatem non animaduertantur, sed summa rerum facies, plerumque iucundior, oculis legatur. Id euenire uidemus etiam in picturis.

Inutilesq. falce ramos amputans,

Feliciores inserit.] Sensus: Aridos, & inutiles, arborum ramos falce putatoria amputat, siue circumcidit, nouosq. calamos inserit.

Hi duo uersus prorsus consequi uidentur superiores illos,

Ergo aut adulta uitium propagine

Altas maritat populos.

Sequi enim uidentur: magisq. conuenit his subdere:

Inutilesq. falce ramos amputans,

Feliciores inserit.

His postea annecti possunt hi:

Aut in reducta ualle mugientium.

Prospectat errantes greges.

Quos recte consequuntur hi,

Aut pressa puris mella condit amphoris;

Aut tondet infirmas oues.

Licet in scriptis, quos uiderim, omnibus ordo sit, qui est in uulgatis.

Inutiles] Steriles, infructuosos. inquit interpres.

Praecipuus enim arborum usus est fructus, quem nisi reddant, inutiles dici possunt.

Opponit autem Inutiles Felicioribus.

Amputans,] *Putare*, est, inquit Varro lib. v. de ling.

Lat. *purum facere*. Igitur, *Amputare ramos* est, expurgare arbores, & hoc modo pueros facere.

Feliciores] hoc est, fertiles, ut & in eo uersu Virgilij,

Exijt

Exijt ad caelum ramis felicibus arbos .

Felix autē dicitur arbor fertilis, ut diximus, eò quia fine suo, qui est ferre fructus, minime frustratur. quae enim suū consequuntur finē, ea certe felicia sunt omnia.

Felici autem opponit Horatius Inutile.

Poterat etiam opponere Infelix, cum Infelix significet Sterilem.

Sic apud Liuium: *Arbori infelici recte suspendito*. Et apud Virg.

Infelix lolium, & steriles dominantur auenae.

Inferit:] Infitionem casum docuisse, scribit Plinius, in hunc modum: *Agricola sedulus casam saepis munito cingens, quo minus putrescerent sudes, limen subdidit ex edera. at illae, uiuaci morsu apprehensae, suam ex alieno fecere uitam, apparuitq. truncum esse pro terra*. Ibiq. plura de duplici ratione, & tempore infitionis.

Aut pressa puris mella condit amphoris;

Aut tondet infirmas oves:] Aut, inquit, mel condit, ex apiarijs collectum, aut tondet oves. Hucusque tria haec habemus. nam aut is, qui rure degit, operam dat inferendis, & expurgandis, arboribus, aut maritandis uitibus, quod est iucundum, ob spem futurae uindemiae, & utilitatem respicit, sed futuram. Aut mel colligit, & praesentem, utilitatem spectat. Aut oculos oblectat, quod est merae uoluptatis. Laudat igitur à iucundo, & ab utili.

Sunt autem tria bonorum genera (ex Aristotele in Rhetoricis)

Iucundum,

Vtile,

Honestum.

Pressa mella] Pressa, hoc est, expressa: nam pressis fauis mella defluunt. Premuntur enim faui, exprimuntur

tur uero mella. De natura, generibus, probatione, mellis, & mellationis temporibus, multa eleganter scribit Plinius lib. xi.

Puris] defaecatis, & mundis.

Condit] reponit. Hinc omnia, quae in amphoris reponuntur, *Condita* etiam uulgo uocantur. Haec mellis collectio a uetere interprete uocatur, unico uocabulo, *Mellameffio*, quasi Mellis messio, idem, quod Mellatio. Graece *μελίτωσις*, sed apud neminē alium legitur. Est profecto ex ijs uocabulis, quae uulgo tum temporis usurpabantur. Nonnulla quoque & Graeci uetres interpretes in suis Cōmentarijs uocabula afferunt, quae apud ueteres Graecos scriptores nō reperiās. non enim omnibus, quae in loquendo usurpamus, uocabulis in scribendo utimur. Sic etiam idem interpres, explanans sequentem uersum, *Aut tondet infirmas oves*, annotat, illud opus, *Lanitiondium*, dici.

Amphoris] Vasis. Graecorum est uocabulum, Latinis etiā usitatum. Graece, *ἀμφορεύς*, ab *ἀμφί*, & *φείω*, quod circumferri possit huc, illucque.

Aut tondet infirmas oves:] Oves tondendas circa iiii. Kal. Iul. cum longissimus dies, & nox breuissima, solstitium conficiunt, tradit Plinius.

Infirmas, autem, fortasse, quoniam sui curam gerere nesciunt, neque saluti suae prouidere, praecipue cū onustae sunt uelleribus suis, & grauatae. Nisi maluerimus (inquit interpres) dicere eas naturaliter infirmas, idest parū firmas, hoc est, delicatas. cum huiusmodi pecus naturaliter infirmum sit, & nobis obnoxium.

Vel, cum decorum mitibus pomis caput

Autumnus aruis extulit,

Vt gaudet insitiua decerpens pyra, &c.]

Vel, inquit, Autumnali tempore, quam gaudet, quantā

ta

ta perfunditur laetitia, pyra decerpens, uuasque, & ceteros fructus, laborum mercedem suorum? *Arui*, legitur in septem meis. *Agris*, in quinque.

Decorum caput,] hoc est, decoratum, & exornatum pomis. Autumno enim poma colliguntur, quae Graecis eodem, quo Autumnus, nomine dicuntur, nempe *ὁπώρα*. Ideo depingitur Autumnus capite pomis, atque uuis, exornato.

Mitibus pomis] *Mitibus*, hoc est, maturis.

Virg. Tityro:

Sunt nobis mitia poma.

Sic *Mites uuas* dixit Virg. Georg. 1.

Heu male tum mites defendet pampinus uuas.

Et idem, *Mitem uindemiam*, lib. 111.

Mitis in apricis cogitur uindemia campis.

Hoc epitheton est translaticium, sumpta ab homine metaphora. Et non solum transfertur ad fructus, sed & ad res ceteras inanimas, ut ad terram. Vnde Horatius:

Mite solum Tiberis, dixit;

Item Virg. *Mitem Tibrin.*

Et hic noster uerbum cognatae significationis animatis rebus adiecit, lib. 1 v. ode 7. inquit,

Frigora mitescunt Zephyris.

Dicitur autem, *Pomum mite*, cum est maturum, quod sit tractabile, & se uesti patiatur: ut *Mites homines*, qui tractabiles sunt, & facile omnes perferunt, ac patiuntur, ut Pamphilus Terentianus.

Contra, *Immitem uuam*, h. e. acerbam, hic noster uocat, Ode 5. lib. 111.

Tolle cupidinem

Immitis uuae.

Et Plinius, *Immitia poma.*

Poma, autem hic, non mala solum, sed & poma, & uuas,

uuas, & cetera intellige, quae tenera sunt cortice. Licet non desint, qui fructus durae corticis etiā Poma uocent, ut nuces, castaneas, amygdalas, & cetera huiusmodi.

Describit hoc loco Horatius Autumnum, & per propopoeiam illi personam attribuit, more poetarum.

Est autem sententia, ut dixi: Cum Autumnus uberes, & dulces, fructus produxit.

Vt gaudet] hoc est, quā laetus est, quā afficitur uoluptate, pyra ex arboribus decerpens, suamet manu insitis, ac purpuream uuam?

Triplex ostenditur uoluptas.

Primum, quia poma ex arboribus recentia colliguntur;

Deinde, quia propria manu;

Postremo, quia ex ijs arboribus, quae tu inseueris.

Pomum enim, recens, optimum;

Propria manu decerptum, iucundius, & nescio quomodo uidetur sapidius;

At, si ex arbore, quam tu met colueris, & in quo non nihil laboraris, iucundissimum est.

Vt positum est, pro Quam.

Insitua] quae insita sunt. Bene dicit *Insitua*, (ait interpretes) quia ex semine nata degenerant, & fiunt agrestia.

Decerpens] proprie, summis captans digitis.

Certantem & uuam purpurae.]

Est Graecismus. Certo enim, Graece dandi casum plurimumque exigit. ut,

χαλεπώτερον ἢ δὸν ἢ μάχεσθαι, ἢ θυμῶ.

Sic apud Hom. 1 λ. α.

ἀνδρᾶσιν μάχεσθαι.

Et 1 λ. β. ἢ δὲ μάχεσθαι ἀνδράσι παυροτέροισι.

Et Demosthenes, μάχεσθαι τοῖς πολέμοις.

Sic & apud Virg.

Solus tibi certet Amyntas.

E Horatio

Horatio autem familiares Hellenismi.

Ode 6. *Viridiq. certat bacca Venafro.*

Et Ode 1. *Luctantem Icaris fluctibus Africum.*

Et Ode 3. *- nec timuit praecipitem Africum
Decertantem Aquilonibus.*

Et Ode xi Epod. *Desinet imparibus certare summo
tus pudor.*

Et Sat. 5. lib. 2 *- haud ita Troiae
Me gessi, certans semper melioribus.*

Et 7. *Altercante libidinibus tremis ossa pauore.*

Sic & Virg. Georg. 2.

*Nec pulcher Ganges, atque auro turbidus Hermus,
Laudibus Italiae certent.*

Lucr. lib. III.

Quid enim contendat hirundo cycnis?

Hor. ep. x. lib. 1.

Non qui Sidonio contendere callidus oestro

Nescit Aquinatam potantia uellera fucum. &c.

Et ep. 18. eiusd.

Mihi contendere noli.

Et Catull. *Noli pugnare duobus.*

Sed & Virg. *Pugnabis amor.*

Certantem autem purpurae: hoc est, colore simillimam purpurae, & purpureum colorem ostentantem, rubram. qua quid potest esse tum fructu laetius, tum adspectu pulchrius? Et non solum poma delectant sapore, sed & colore.

Qua muneretur te, Priape,] Priapus, Dionysii, & Naiadis, Nymphae, uel Chionae, filius dicitur fuisse. praeterea non longe a Lampfaco urbem sui nominis condidisse.

Praeponebatur agris, hortisq. custodiendis, atque e ligno fingebatur, duo habens tela, falcem, & palum, seu panem,

27
penem, quibus fructuum fures castigabat . Vnde apud
Virg. de se ipso ita loquitur :

Hic me custodem fecundi uillicus horti

Mandati curam iussit habere loci .

Et apud hunc nostrum , Sat. 8.

- deus inde ego furum , auiumq.

Maxima formido . nam fures dextra coercet .

At importunas uolucres in uerice arundo

Terret fixa , uetatq. nouis considere in hortis .

Tamquam igitur hortorum deus , uua donaba-
tur , & ceteris fructibus , quibus & Siluanus , tutor fi-
nium .

- et te , pater

Siluanus , tutor finium .]

Silvani tres fuerunt .

Vnus dicebatur domesticus , possessioni consecratus ;

Alter , agrestis , pastoribus ;

Tertius , orientalis , cui est in confinio lacus positus ; a
quo inter duo , pluresue fines oriuntur . ideoq. inter duo ,
pluresue est lacus .

Omnis autem possessio quare Siluanum colit ? quia
primus in terra lapidem finalem posuit . *Finium* igitur ,
idest , terminorum , quibus agri distinguuntur . Haec ex
scriptoribus de limitibus .

Siluanum Virg. quoque in *11 x. aruorum* , pecorisque ,
deum uocat . Ibiq. Seruius annotauit , *Publicam caer-
moniarum opinionem hoc habere , pecorum , & agrorum ,
deum esse Siluanum .* Alij tamen dicunt , eum esse ὕλικόν
θεόν , hoc est , deum πῆς ὕλης .

Libet iacere modo sub antiqua ilice ,]

Nunc uenit ad uoluptates agricolarum , quibus illi in-
credibiliter delectantur . Quo autem antiquior ilex , eo
grandior , patulaq. magis , umbramq. efficiens maioré

E 2 iacen-

iacentibus, aut quouis pacto recubantibus, gratissimā.
 Ille uero recubitus, profecto, suauissimus est, ex adiun-
 ctis. non solum .n. corpus labore defatigatū reficitur,
 sed & sensus omnes recreantur, praesertim auditus,
 aquarum sonitu labentium,
 cantu auium,
 strepitu fontium.

quae non solum uoluptati sunt, sed & somnum con-
 ciliant.

Modo in tenaci gramine.]

Tenax uocat *gramen*, eo quod terrae firmiter haeret.
Iacere in gramine, inquit Horatius. Lucretius autem
 lib.v. ait, *Molli gramine prostratum esse*.

Labuntur altis interim ripis aquae:]

Fluminum periphrasis.

Altas autem *ripas*, flumina significant profunda. In-
 quitque, *Labuntur interim*, hoc est, labentes interim
 audit aquas. Fluviales enim aquae non solum labuntur
 interim dum aliquis iacet interdum, sed perpetuo, & ir-
 requieto, lapsu, fluunt. Duo libri mei habent, *Riuus*,
 non *Ripis*, quod quibusdam magis probatur.

Queruntur in siluis aues:]

Ita, inquam, canunt, ut queri uideantur. etsi hoc
 alij refellant.

Ego existimo, cum haec diceret Horatius, respexisse
 Luscinia, quae Philomela dicitur, cuius suauissimus est
 cantus. is tamen Luctus est a poetis interpretatus. ut
 propterea Luscinia dicta sit, quod lugens canat.

Flet Philomela nefas incesti Tereos; & quae

Muta puella fuit, garrula fertur auis.

Vt ait Mart. lib. x i v.

Hoc igit pacto Horatius specie pro genere sumpsisset.
 An uero, *Queruntur*, dixit, quia, ex interprete, ueteres
 omnium

29
omnium animalium uoces; praeterquam hominum;
Querellas uocabant: hinc *Querulae cicadae*, Maro: *Querella ranarum*: & de bobus; *Atque omne querellis Imple-*
ri nemus.

Apollonius Thyaneus; Auium cantum, sermonem earum dicebat esse, & eum optime se intelligere profitebatur.

Fontesq. lymphis obstrepunt manantibus,
Somnos quod inuitet leues.]

Hic tō *Obstrepunt*, non capitur pro, contra strepunt, sed pro simplici Strepo. non solum enim fontium strepitus non aduersatur. somnum captantibus, sed mirifice conducit. Sicuti autem uehementes sonitus, ac strepitus, somnum fugant, sic contra mediocres & auribus non ingrati, & quod caput est, aequabiles, eum nobis mirifice conciliant.

Leues somnos.] quia meridiani somni leues, graues autem nocturni. Eo quia, fatigato corpore, longo intervallo temporis silentibus omnibus, facile sensus omnes ueluti obstupescunt, ut mortuo simile hominem reddant. Male ergo interpres *Leues* interpretatur securos, & iucundos. *Somnosq. inuitant leues*, unus.

Inuitant, quattuor. *Somnos inuitent quod leues, tres.*
At, cum tonantis annus hibernus Iouis.

Imbres, niuesque; comparat;]
Hiberni temporis commoditates, oblectationesque, nunc refert. At uero, cum, inquit, accessit hiems, uarijs animum uenationibus oblectans, & corpus exercens, malas omnes, & perniciosas, ex animo fugat cogitationes, quas affert nobis, atque alit, otium.

Probauerat Alsius ab utili, & a iucundo, seu delectabili, rusticam uitam esse amplexandam. Supererat, eandem ab honesto commendare. id quod erat potissimum.

nam

30
nam utile, & iucundum, mouet, atque impellit, ad aliquid agendum, eos tantum, qui aut uoluptatem in omni re sequuntur ducem, omnia uero non uirtute, sed uoluptate, metiuntur, aut nihil aggrediuntur, quod cum utilitate coniunctum non uideatur: at uero eos, qui uirtutem colunt, nihil ad se amandum pertrahit, atque allicit, nisi quod honestum sit. est enim uirtutis comes honestas. Ita dicere possumus, Alfiu hic inductum uitam rusticam omni hominum generi, sectae, aetatique, doctis, sapientibus, paucis, plurimis, uulgoque ipsi, probauisse. quodcumque enim est genus hominum, quaecumque uiuendi ratio, quaecumque philosophandi uia, uel utilitatem, uel uoluptatem, uel honestatem, sequatur, ac sibi colendam proponat, necesse est. illud igitur, quod & utile, & delectabile, & honestum, est, omnibus aequè probandum. Praeterea, dicere possumus, Horatium sub Alfij persona eo uti artificio, ut primum ab utili, & iucundo, deinde uero, ac postremo loco, ab honesto, rusticae uitae condicionem, ut ad felicitatem nos facilius ducentem, urbanae esse anteferendam, nobis suadeat. Nisi igitur primum huic uiuendi rationi ea bona inesse ostendisset, quae apud homines, etiam prauos, & corruptos, prima ducuntur, certe opinionem, ac sententiam suam de rustica uita persuadere minime potuisset. Simili etiam arte utimur cum pueris aegrotantibus, dum ijs aliqua sumenda damus medicamina; ea in primis dulcia esse dicentes, cum ipsi potissimum dulcedine capiantur.

Sed, quanam est in his uersibus honestatis ratio demonstrata? ea potissimum, quod rusticae exercitationes abducunt nos ab omni mala, ac turpi, uoluptate, ac potius corpus ipsum ad uirtutem firman, quam ad uitia molliunt, ac effeminant.

Occurrit autem tacite obijcienti Horatius, ac dicenti,

ti,

si, rus quidem aestate, & autumnno potissimum, esse iucundum habitatu, ac longe urbi praeferendum, at uero hieme esse insuauissimum, itineribus iam, prae nimio coeno, ac luto, inuijs, agro etiam omni orbatu uenustate florum, ac uirentium arborum consumptis fructibus, squalenti deinde uniuerfa terrae facie, ac pulcherrimo eius adspectu uehementer immutato, rebus etiam ad uitam necessarijs quotidie deficientibus. Respondet, inquam, huic Horatius, inquiens, rus esse non minus hiberno tempore iucundum; si quidem est in uenationibus iucunditas, quae ea tempestate fieri solent frequentissimae.

At, cum tonantis &c.] Annus hibernus, hoc est, anni tempus hibernum. hiems, uidelicet. Et est descriptio hiemis his duobus uersibus:

At cum tonantis annus hibernus Iouis

Imbres, nivesque, comparat.

Iouem tonantem hic uocat aerem.

Iuppiter autem aeri praeesse dicitur. & ob id ei fulmina in manibus pictores, & poetae, posuerunt: quoniam in aere & fulmina, & fulgura, & tonitrua, fiunt; & frigora quoque. Inde Ode 1. *Iouem frigidum* dixit. & Virg. Georg. 1. *Iouem humidum.*

Hiems autem, est annus Iouis tonantis; ut Aestas, Iouis sereni. Fortasse Horatius cum hieme, quae solis quattuor mensibus definitur, ultimum autumnus, & primum ueris tempus computat; quibus praecipue & fulgurat, & tonat, & fulminat.

Comparat;] colligit.

Aut trudit acres hinc & hinc multa cane

Apros in obstantes plagas.]

hoc est, multis canibus. Sic Ode 15. lib. 1. *Multo milite*, dixit. Et Virg. Aeneid. lib. 11.

Vtrum-

Utrumque armato milite complent. Et hic noster eodem schemate, Ode 5. dixit, *Argo remige*, pro, *Argois remigibus*. Compellit, inquit, & extrudit, apros in oppositas plagas, eos canibus infectans. Acerrimum autem esse aprum in uenatione, nemo nescit,

Aut amite laeui rara tendit retia,

Turdis edacibus dolos ;]

Amite laeui, hoc est, pertica, seu furcula aucupali, ut inquit Festus: *& furcula, ex qua rete suspenditur ad capiendas aues*, ait interpretes.

Turdis] Turdi, aues sunt praecipui saporis, in cacuminibus arborum nidificant luto, sermonem humanum imitantur. Graeci *κικλᾶς* uocant.

Pavidumq. leporem, & aduenam laqueo gruem,
Incunda captat praemia.]

Lepus, est animal pavidissimum, & ualde timidum, & meticulosum: adeo, ut, Leporis uitam uiuere, pro uerbio, dicantur, qui semper anxij, trepidique, uiuunt. quod id animal, omnium praedae expositum, ne somnum quidem capit, nisi oculis apertis. Natura autem ei optime consuluit, armis eum donans, suae paviditatis omnium aptissimis. Qui enim natura pavidus est, is, si in hostes incidat, nulla re sibi melius consulere, potest, quam fuga. Pedes autem homini puido sunt arma omnium praestantissima, quibus animalia huiusmodi sibi quaerunt salutem. Porro autem, sicuti pavidis, & meticulosis, animalibus, aufugiendi, & euadendi, non pugnandi, ac inuadentium impetum sustinendi, arma prae-buit, ac fabricata est natura: sic contra, animosis, audacibus, fortibus, non tam fugiendi, quam impetum propulsandi, atque etiam uim ui repellendi, tela para-uit, ut Canibus dentes, atque Apris, Leonibus ungues, Equis pedes, Tauris cornua, & alijs alia. Haec opti-
me,

me, & eleganter, a Galeno differuntur in principio lib.
 I. de usu partium; in quibus rationem sigillatim, ac diligentiſſime, reddit, quorſum unaquaeque pars noſtri corporis a natura fabricata fuerit. In quo illud etiam legitur pulcherrimum, nempe hominem ipſum nullis armis a natura donatum, ſed nudum, & inermem, eſſe factum; neque ob id accuſandam eſſe naturam, quod homini, ſapientiſſimo, ac digniſſimo, animalium, arma denegarit, immo uero eam eſſe laudibus proſequendam, ut quae homini uidetur optime omnium conſuluiffe; cum ei omnia omnium animalium arma uni conceſſerit, quibus is omnia expugnare, & ſibi ipſi ſubdere, poſſit; cum ei primum rationem omnia excogitandi, & manum omnia a ratione excogitata fabricandi, dederit. hac una ſibi fabricat homo omnia omnium animalium arma, & ea praeterea, quibus animalia omnia ſubijciat, & ijs ut ſeruis utatur, ab ijsq. uictum, & ab ijs uestitum, ſibi comparet.

Aduenam laqueo gruem.] Grues e longinquo, nimirum a mari Eoo, proficiſci, & aeſtatis aduenas eſſe, ſcribit Plinius.

Gerunt bellum cum Pygmaea gente.

Quando proficiſcuntur, conſentiunt.

Volant ad proſpiciendum alte.

Ducem, quem ſequantur, eligunt.

In extremo agmine per uices, qui acclament, diſpoſitos habent, & qui gregem uoce contineant.

Excubias habent nocturnis temporibus, lapillum pede ſuſtinentes, qui laxatus ſomno, & decidens, indiligentiam coarguat. ceterae dormiunt, capite ſubter ala condito, alternis pedibus inſiſtentes. Dux erecto pro uidet collo, ac praedicat. Hinc, quod *Grus* aduena ſit, dicitur *exotica avis*. nam *ſingulis annis nobis aduenit*.

500

F ait

34
ait interpres.

*Quis non malarum, quas amor curas habet,
Haec inter obliuiscitur?*] Quis non inter has uoluptates obliuiscitur omnium molestiarum, & incommodorum? Intentum honestis exercitijs hominem, qui uitae rusticae se dedit, ab amore abesse, & ab ijs curis, quae amantes uexant, ait. Otium enim, malorum maximorum causa est. & praecipue amoris ueluti fons, & origo. Inde dicitur:

Otia si tollas, periere Cupidinis artes.
Vel *Amor*, habendi. hoc est, auaritia, quae urbanos, anxios, & sollicitos, reddit, ut ait interpres. quod non placet. cum Amor absque alia adiectione intelligi soleat de amore uenereo.

*Quod si pudica mulier in partem iuuet
Domum, atque dulces liberos,
Sabina qualis, aut perusta solibus
Pernicis uxor Apuli,
Sacrum uetustis exstruat lignis focum
Lassi sub aduentum uiri;
Claudensq. textis cratibus laetum pecus,
Distenta siccet ubera;
Et horna dulci uina promens dolio
Dapes inemptas apparet;]*

Maximum in aduersis solatium praebent hominibus uxor, praesertim quae leges probarum mulierum seruât: quae ab Aristotele Oecon. lib. ii. cap. i. describuntur. Viris autem labor, mulieribus munditiae conueniunt, ut ait Marius in concione apud Sallustium, in Iugurtha. Cuius rei eam esse causam dixerim, quod minus caloris habeant mulieres, ideoq. magnis rebus petraetandis, ad quas requiritur audacia, non sint tam idoneae.

Quae

Quae sit functio, & officium, castae, ac sedulae, uxoris, rusticae, diligenter describit hic Horatius.

Quid, si &c. est in libris meis. Vt legatur cum interrogatione. Non male.

In partem iuuet] Quod si habeat uxorem rusticus, quae sedulo maritum suum in augenda re familiari, & educandis liberis, iuare uelit, & diligenter culinam, & pecora, domi curet, ut faciunt mulieres Sabinae, & Apulae.

Dulces liberos,] Haec. n. prima, & praecipua debet esse cura bonae matris, ut probe, & liberaliter, susceptos liberos educet, diligenterq. ad labores assuefaciat. Sic apud Virgilium Aen. 2.

Et dulces natos, exoptatq. parentem.

Qualis Sabina, aut uxor Apuli,] Sabini, & Apuli, Italiae sunt populi, fortes, & strenui. Horum uxores dicit esse pudicas, & rerum domesticarum ualde studiosas, optima profecto commendatione. Sabinorum autem uirgines, quas Romulus rapuit, uiros suos adeo dilexerunt, ut pacem inter Sabinos, Romanosque, facerent.

De Sabinorum probitate referam hoc loco, quae scripsi olim in epistola quadam ad Illustrissimum, & Reuerendissimum, Cardinalem Amulium, iam edita in libro de Quaesitis per epistolam. Ea autem sunt: Probitatis fama ita Sabini homines florere, ut eis omnia tuto committi posse uiderentur. itaque Cicero in quadam ad Trebonium epistola ita scripsit: *Oratorem meum Sabino tuo commendaui. natio me hominis impulit, ut ei recte putarem. nisi forte, candidatorum licentia hic quoque usus, hoc subito cognomen arripuit. etsi modestus eius uultus, sermoq. constans, habere quiddam a Curibus uidebatur.* Nimirum & Virgilius ad integritatem spectauit, cum dixit lib. 1. ix.

F 2 Cur.

Curibusq. seueris :

Et Statius Silu. lib. I v.

Curibusq. uetustis.

Et Horatius *rigidos Sabinos*; Ouidius *tetricas Sabinas* uocauit; & alio loco *incultas*: quod est indicium pudicitiae. coluntur enim eae, quae placere capiunt. qua de re sic Iuuenalis Sat. x.

- Sanctos licet horrida mores

Tradiderit domus, ac ueteres imitata Sabinas.

Item Martialis lib. I.

Castra nec antiquis cedens Laeuina Sabinis,

Et quamuis tetrico tristior ipsa utro.

Perusta solibus] hoc est, fusca, & subnigra. quod est indicium sedulae mulieris rusticae, nullum sudorem, aut calorem, in expediendis negotijs defugientis.

Sacrum focum] nempe, dijs penatibus consecratum. Iuxta focum dii Penates positi fuere, Laresq. inscripti; iccirco, quod *ara deorum Larium focus sit habitus*, ait interpretes.

Vetustis,] hoc est, deficcatis, non recentibus, quae prae uiriditate, cum ignem sentiunt, ualde fumant. fumus autem est odiosissimus: ut non male dictum sit, duo praecipue domo nos pellere, fumum, & malam coniugem.

Lassi sub aduentum uiri;] Debet curare uxor, ut, uespere redeunte marito fesso, & famelico, splendeat focus, quo illum, spe lautioris, & largioris, cenae, consoletur. Memini aliquando quendam dicere, diligentis feminae esse, uiro domum reuertente, ad minimum unam ollam habere apud focum, uel uacuam; ne, si uideat nihil apparatus, ringatur.

Textis cratibus] Crates, caulae sunt ex uiminibus contextae, quibus noctu clauduntur, & a ferarum incur-
sione

sione muniuntur greges.

Lactum] fecundum, fertile.

Horna] nouella. Hornum autem, hoc est nouellum uinum est sapidius uetere.

Dapes inemptas apparet;] non emptis, sed labore partis, epulis, mensam exstruat. Nam bonam matrem familiam non emacem, sed uendacem, esse oportet.

Huc etiam alludit Virgilius:

-seraq. reuertens

Nocte domum, dapibus mensas onerabat inemptis.

Non me Lucrina iuuerint conchylia;

Magis uerhombus, aut scari;] Si, inquit illa, quae superius commemorata sunt, adsint commoda, non mihi iucundiores fuerint opiparae mensae urbanae rusticis mensis: nam mihi parabilis uictus, ac domi factus, erit gratior exotico, & exquisito.

Ostendit igitur, se rusticorum ferculis plus delectari, quam lautissimis, & exquisitissimis, diuitum cibis.

Lucrina conchylia] In lacu Lucrino capta. Sic Sat. 4. dixit, *Lucrina peloris*.

Lucrina autem conchylia maxime excellebant.

Conchylia sunt testacea omnia, ut, ostrea, pectines, echini. qua quidem uoce utitur etiam uernacula nostra lingua. Certe pictores, qui testis utuntur, in quibus colores seruant, hac uoce utuntur, dicentes *Cochigli*.

Athenaeus huius etymon uocis ita deducit, ut uelit Conchylia dici *παρὰ τὸ κέχνηναι*, id est ab hiando.

Ostrea hic intelligit. nam ostreis Lucrinis optimum saporem primus Sergius Orata adiudicauit, quando eadem aquatilium genera aliubi, atque aliubi meliora, test e Plinio.

Iuuē-

Inuerint, h. e. iucunda fuerint.

Magis ue rhombus,] Piscis, est planus, Plin. lib. ix. cap. 20. & Colum. lib. i ix. cap. 16. Rauennae optimus, teste Plinio lib. i x. cap. 54. & Iuu. sat. 4. & Ouidio, cuius haec sunt:

Hadriaco mirandus litore rhombus.

Olim in delicijs habitus. Sed & Venetijs maximi fit. Est autem Rhombus, & Graecum, & Latinum, & uernaculum uocabulum. Dictus & ῥόμβος. Vide Athenaeum lib. vi i. & Plinium lib. ix. cap. 42. Et est ex eo dictus, quod figura sit rhombi. Est autem Rhombus figura quadrilatera, quae tamen recti angula non est, sic ut Rhomboides, quod in contrarium collocatas lineas, atque angulos habet aequales, non autem rectis angulis, neque lateribus aequis continetur: habet enim duos angulos aduersos acutos maxime, duos reliquos itidem appositos obtusos maxime. Potestis hanc figuram apud Euclidem legere in principio suae Geometriae, in quo traduntur definitiones Geometricarum figurarum. Propterea dixit Martialis:

Quamuis lata gerat patella rhombum,

Rhombus latior est tamen patella.

Namque, cum sit quadrilatera, hoc est Rhomboides, figurae, iure latior esse potuit patella.

Facit eius mentionem Plin. lib. xxxii, c. ult. coniungens eum cum scaro.

Fuisse autem piscem non ignobilem, satis hic Horatii locus, praeter Plinium, declarat. opponit enim exquisita, & magno empti, cibaria, rusticis, ac parabilibus.

Scari,) Dictus ἀπὸ τῆς ὀκκαίγειν, id est, salire. Naturam eius ita describit Diphylus, Latine redditus, apud Athenaeum lib. i ix. *Molli, ac tenera carne praedi-*

tus

ius est, friabilis, dulcis, levis, ad coquendum facilis, facile redditur, uentrem mollit. Addit idem, recentem scarum esse suspectum, propterea quod lepores marinos captat, usque uescitur, iccircoque eius intestina uim bilis effectricem habent. Idem hunc solum ex omnibus piscibus dormire dicit. Et propter eam causam numquam noctu capi. Oppianus etiam lib. I. Halieut. eum solum uocalem esse scribit. Ceteri enim pisces, muta sunt animalia.

Is etiam (auctore Arist. in 2. de hist. animalium ca. 17. & lib. I IX. cap. 2. & Plinio, & Athenaeo) solus inter pisces ruminare creditur. Eum Plinius lib. IX. cap. 17 & lib. XXXII. cap. XI. Athenaeus lib. VII. & Aelianus lib. I. cap. 16. celebrat, ut sua tempestate principalem. Fuit Romanis in honore mensarum. Inde Ennius, apud Appuleium, Apol. I.

Scarum praeterij, cerebrum Iouis paene supremi.

Sed operae pretium est, recitare, quae Plinius de eodem recenset, cap. 2. lib. XXII. inquit autem: *Mihi uidentur mira & quae Ouidius prodidit piscium ingenia, in eo uolumine, quod Halieuticon inscribitur: Scarum inclusum nassis non fronte erumpere; nec infestis uiminibus caput inferere, sed auersum caudae ictibus crebris laxare fores, atque retrorsum erumpere. Quem luctatum eius si forte alius scarus extrinsecus uideat, apprehensa mordicus cauda adiuuare nixus erumpentis.*

Galenus quoque Scarum inter saxatiles excellere suauitate sua tempestate scripsit. Et Nicander apud Athenaeum lib. VII. Scarum esse dixit multi nominis.

Si quos Eois intonata fluctibus
Hæmis ad hoc uertat mare.] Si quos tempestas ab
Oriente ad hoc mare nostrum impellat. Et hoc dicit,
propter

propter mare Carpathium, ubi Scarorum maxima est copia.

Intonata] hoc est, intonita : hoc est, tempestas concitata.

Non Afra avis descendat in uentrem meum,] Gallinas Africae intelligere uidetur, quae nouissimae peregrinarum auium sunt in mensas receptae, ut legimus apud Plinium lib. x.

Non Attagen Ionicus

Iucundior, quam lecta de pinguisimis

Oliua ramis arborum:] Attagen maxime Ionicus celebratur, quondam existimatus inter raras aues, ut Plinius lib. x. commemorat.

Plumas habet uarijs colorum maculis distinctas.

Quamobrem ab Arist. $\pi\tau\epsilon\sigma\pi\omicron\iota\chi\iota\delta\omicron\varsigma$ appellatur.

Oliua) Oleae arboris fructus.

Aut herba lapathi, prata amantis, & graui

Maluae salubres corpori,]

Vt pulchre urbanam luxuriam hucusque notauit, ita nunc rusticorum frugalitatem commendat. De Lapatho, & Malua, herbis, multa scribit Plin. lib. xx. c. 21. De Lapatho haec interpres: *Lapathum herba in cibo sumpta stomachum confortat, uentrem purgat, urinam pronocat, ructum excitat, & nauseabundis comedendi aueritatem reddit: nascitur in locis sabulosis, & planis.*

Vel agna festis caesa Terminalibus,

Vel haedus ereptus lupo.]

Terminus, deus fuit, pacis, & iustitiae custos.

Huius templū iuxta aedem Iouis opt. max. in Capitolio, primum a Numa, extructum, cui sacrum festis Terminalibus in agris, sexto ab Urbe miliario, sub pa-
tenti caelo fieri solebat. Et inquit, *festis*: ut ostendat
frugali-

41

frugalitatem rusticorum, qui carnibus uescuntur solum
festis diebus.

Aut haedus ereptus lupo.] Haedus lupo ereptus uide-
tur suauior, nō quia tenerior factus : (haedus enim satis
tener uidetur, dum haedus est, etsi a lupo morsus non
sit) sed ideo suauior, quia, ut ait Acro, gratior factus
est ex perduto. Quae enim perdidimus, si recupere-
mus, gratiora sunt nobis : nam uidemur ea in lucro
deputare.

Has inter epulas, ut iuuat pastas oues

Videre properantes domum; &c.] Quam iucundū
est, inquit, dum rure cenamus, uidere oues iam pa-
stas domum redire citato gressu, ut moris est, ac bo-
ues etiam languētes de labore diei, uernasq. sua obeun-
tes munera.

Vt iuuat] Mirum quantum delectat :

Iuuandi uerbum poetis frequentissimum, pro uerbo
Delectat.

Pastas oues] Delectat uidere oues pastas, & reple-
tas, domum redire; & contra, uidere boues redire las-
fos, ac defatigatos. Oues enim ex pastura, boues ex
labore, nobis emolumentum praebent.

Properantes domum;] ad quietem, & ad refectum.
Animantia enim omnia, licet, homine excepto, ratio-
nis sint expertia, naturae tamen impetu quodam ferun-
tur ad id, quod ad eorum conseruandam uitam est ne-
cessarium. non solum enim unicuique rei est a natura
tributum, ut sit aliquid, sed ut se etiam in propria con-
dicione seruet, & suimet interitum maxime auerfetur.
properant domum oues quiescendi gratia, & somnum
capiendi, cuius indigent, ad uitam; boues autem non
solum quiescendi, sed uescendi gratia. Sic obserua-
mus quotidie, equos ex longo itinere domum redeun-

G tes

res magis properare, ac festinare, quam domo abscedentes. laborem enim, ut malum, non homines solum, sed animantia omnia, auerfantur.

Videre fessos uomerem inuersum boues

Collo trabentes languido:] Id est, uidere boues arando fessos, confecto iam labore diurno, domum redire. Sic Virg.

Adspice: aratra iugo referunt suspensa iuuenti.

Positosq. uernas, ditis examen domus,

Circum renidentes lares.] Vernas, seruos circa forum sedentes. nam ad forum cenare solebant. quod hodieq. fit, in ea uita, quae seiuncta a curis fit, & procul absit a fastu. Est autem *Verna* puer domi natus, & procreatus, qui serui loco fit.

Renidentes, sex mei.

Haec ubi locutus fenerator Alfius,

Iam iam futurus rusticus,

Omnem relegit idibus pecuniam,]

Postquam haec de agriculturae laudibus dixit fenerator Alfius, suam fortunam pertaesus, statim rusticus fieri desiderauit. Ideoq. omnem pecuniam, quam fenerator erat, a debitoribus exegit, mercaturus agrum. Idibus autem, dicit, quod olim idibus exigenter usurae. Alij pro *Relegit*, probant *Redegit*, ut est in octo meis scriptis. Quod etiam mihi probatur, cum eo in hoc significato Cicero non semel utatur.

Quaerit Kalendis ponere.] Notat inconstantiam Alfij, qui statim ad ingenium, & pristinos mores, redijt. pulchre ostendens, quam periculosum sit, canem semel intestina degustasse. Alfij cuiusdam feneratoris habetur apud Columellam dictum illud, *Bona nomina non numquam mala fieri, si numquam interpelles.* Plinius etiam meminit Flauj Alfij cum Maecenate.

Alludit

Alludit autem Poeta ad consuetudinem feneratoriū,
qui solebant in singulas Kalendas mutuum dare. Vnde & *Kalendarium* pro libro rationum, in quo feneratores nomina debitorum describebant. ut in 2. Parergon memoriae mandauit doctissimus, idemq. omnium doctrina, & moribus, elegantissimus uir Andreas Alciatus.

Arcadius Charesius libro singulari de muneribus ciuilibus, Dig. lib. L. tit. 4. de muneribus, & honoribus, l. 18. Munerum ciuiliū: *Kalendarij quoque curatio. & quaestura in aliqua ciuitate inter honores non habetur: sed personale munus est.*



PLACET . HOC . LOCO
ADSCRIBERE . VIRGILII . VERSVS
GEORG . LIB . II .

Vt facilius possint conferri
cum Horatianis.



*Fortunatos nimium, sua si bona norint,
Agricolas, quibus ipsa, procul discordibus armis,
Fundit humo facilem uictum iustissima tellus.
Si non ingentem foribus domus alta superbis
Mane salutantum totis uomit aedibus undam,
Nec uarios inhiant pulchra testudine postes,
Illusasq. auro uestes, Ephyreiaq. aera,
Alba nec Assyrio fucatur lana ueneno.
Nec casia liquidi corrumpitur usus oliui:
At secura quies, & nescia fallere uita,
Dives opum uariarum, at latis otia fundis,
Speluncae, uiuiq. lacus, at frigida tempe,
Mugitusq. bouum, mollesq. sub arbore somni,
Non absunt: illis saltus, ac lustra ferarum,
Et patiens operum, † paruq. assueta inuentus, exiguq.
Sacra*

Sacra Deum, sanctiq. patres: extrema per illos
 Iustitia excedens terris uestigia fecit.
 Me uero primum dulces ante omnia Musae,
 Quarum sacra fero ingenti percussus amore,
 Accipiant; caeliq. uias, & sidera, monstrent,
 Defectus Solis uarios, Lunaeq. labores:
 Vnde tremor terris, qua ui maria alta tumescant
 Obiicibus ruptis, rursusq. in se ipsa residant:
 Quid tantum Oceano properent se tingere Soles
 Hiberni, uel quae tardis mora noctibus obsiet.
 Sin, has ne possim naturae accedere partes,
 Frigidus obstiterit circum praecordia sanguis,
 Rura mihi, & rigui placeant in uallibus amnes,
 Flumina amem, siluasq. inglorius: o, ubi campi
 Sperchiusque, & uirginibus bacchata Lacaeis.
 Taygeta: o, qui me gelidis in uallibus Haemi
 Sistat, & ingenti ramorum protegat umbra.
 Felix, qui potuit rerum cognoscere causas,
 Atque metus omnes, & inexorabile fatum
 Subiecit pedibus, strepitumq. Acherontis auari.
 Fortunatus & ille, deos qui nouit agrestes,
 Panaque, Siluanumq. senem, Nymphasq. sorores.
 Illum non populi fasces, non purpura regum
 Flexit, & infidos agitans discordia fratres,
 Aut coniurato descendens Dacus ab Istro:
 Non res Romanae, perituraq. regna: neque ille
 Aut doluit miserans inopem, aut inuidit habenti.
 Quos rami fructus, quos ipsa uolentia rura
 Sponte tulere sua, carpsit; nec ferrea iura,
 Insanumq. forum, aut populi tabularia uidit.
 Sollicitant alij remis freta caeca, ruuntq.
 In ferrum: penetrant aulas, & limina regum.
 Hic petit excidijs urbem, miserosq. penates,

Ut gemma bibat, & Sarrano dormiat ostro.
 Condit opes alius, defossoq. incubat auro.
 Hic stupet attonitus Rostris: hunc plausus hiantem
 Per cuneos (geminatur enim) plebisque, patrumq.
 Corripuit. gaudent persusi sanguine fratrum,
 Exsulioq. domos, & dulcia limina mutant,
 Atque alio patriam quaerunt sub sole iacentem.
 Agricola incuruo terram † dimouit aratro:
 Hinc anni labor: hinc patriam, paruosq. † nepotes
 Sustinet: hinc armenta bouum, meritosq. iuuenos.
 Nec requies, quin aut pomis exuberet annus:
 Aut fetu pecorum, at Cerealis mergite culmi,
 Prouentusq. oneret sulcos, atque horrea uincat.
 Venit hiems, teritur Sicyonia bacca trapetis:
 Glande sues laeti redeunt: dant arbusta siluae:
 Et uarios ponit fetus autumnus: & alte
 Mitis in apricis coquitur uindemia saxi.
 Interea pendent dulces circum oscula nati:
 Casta pudicitiam seruat domus: ubera uaccae
 Lactea demittunt: pinguesq. in gramine lacto,
 Inter se aduersis luctantur cornibus haedi.
 Ipse dies agitat festos, fususq. per herbam,
 Ignis ubi in medio, & socij cratera coronant,
 Te libans Lenae vocat; pecorisq. magistris
 Velocis iaculi certamina ponit in ulmo:
 Corporaq. agresti nudant praedura palaestra.
 Hanc olim ueteres uitam coluere Sabini,
 Hanc Remus, & frater: sic fortis Etruria creuit:
 Scilicet & rerum facta est pulcherrima Roma,
 Septem quae una sibi muro circumdedit arces.
 Ante etiam sceptrum Dictaei regis, & ante
 Impia quam caesis gens est epulata iuuenis,
 Aurens hanc uitam in terris Saturnus agebat.

molitus.

penates.

N66

*Nec dum etiam audierant inflari cassica, necdum
 Impsitos duris crepitare incudibus enses.
 Sed nos immensum spatij confecimus aequor;
 Et iam tempus equum fumantia soluere colla.*



005259453

